

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 01-05-6-1576-5/13

Datum: 09.09.2013. god.

OPĆINSKO VIJEĆE

PREDMET: Odgovor na vijećničko pitanje, dostavlja se

Na 10. sjednici Općinskog vijeća Tešanj održanoj 29.08.2013. godine vijećnik Emir Unkić se izjasnio da je djelimično zadovoljan odgovorom na pitanje: Da li nadležna općinska služba planira poduzeti aktivnosti na usklađivanju termina paljenja i gašenja javne rasvjete? Postavio sljedeće dodatno vijećničko pitanje:

Da li Općina planira da od strane ovlaštenog lica, koje kontroliše ispravnost i stanje forela, traži da se preispita ugrađena tehnologija, jer se paljenje rasvjete dešava znatno ranije, a gašenje znatno kasnije, čime se izazivaju nepotrebni troškovi?

ODGOVOR

Na osnovu Odluke o izmjenama i dopunama Odluke o javnoj rasvjeti na području općine Tešanj, nadležna služba upravlja i održava objekte javne rasvjete u zonama "Urbanističkog plana Tešanj, "RP Centar Jelah", "RP Tešanjka" i industrijskoj zoni Bukva.


U navedenim zonama rad forela je ispravan, vrši se redovna kontrola ispravnosti forela i vrijeme paljenja i gašenja javne rasvjete.

U ranijem periodu su bili ugrađeni tajmeri sa podešavanjem vremena paljenja i gašenja javne rasvjete, ali su se pokazali kao nepouzdana i dolazilo je do nepotrebnih troškova. Trenutno su foreli najpouzdaniji za kvalitetan rad javne rasvjete.

Ukoliko imate saznanja da se u pojedinim mjesnim zajednicama, koje su odgovorne za održavanje javne rasvjete na području mjesne zajednice, paljenje i gašenje javne rasvjete vrši izvan predviđenog vremena, potrebno je da obavjestite nadležnu službu kako bi poduzeli potrebne mjere.


OBRADIVAČ


Služba za društvene djelatnosti,
komunalne poslove i ekologiju



Muslija Azra, dipl.pravnik

PREDLAGAČ:

Općinski načelnik




Mr.sc. Suad Huskić, prof.



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-05-6-2309-2/13

Datum: 10.09.2013. godine

OPĆINSKO VIJEĆE

Predmet: Odgovor na vijećničko pitanje, dostavlja se.-

Poštovani,

Na 10. sjednici Općinskog vijeća Tešanj koja je održana 29.08.2013. godine vijećnik Emir Unkić postavio je sljedeće vijećničko pitanje:

“Kakav vid podrške je pružila Općina Tešanj studentu Maliku Galijaševiću, da li je Općina upoznata da je student iskoristio priliku da putovanje iskoristi za političko djelovanje, a nakon toga je Načelnik upriličio prijem studenta?”

Odgovor:

Općina Tešanj je primila zahtjev za finansijsku podršku koji je uputilo Udruženje studenata medicinskog fakulteta Sarajevo (MEDSA), u kojem je tražena pomoć u sufinansiranju materijalnih troškova učešća Udruženja na 62. Generalnoj skupštini Međunarodne Federacije studenata medicine od 01. do 07. augusta 2013. godine u Republici Čile. Općinski načelnik je, budući da u 2013 godini sa prostora općine Tešanj 45 studenata studira na medicinskim fakultetima u BiH, rješenjem odobrio isplatu 500 KM na račun navedenog udruženja. Pored podrške općine Tešanj, podršku su pružili Ministarstvo obrazovanja i nauke Federacije Bosne i Hercegovine, Vlada Zeničko-dobojskog kantona i druge institucije.


Jedna od tri osobe koje su predstavljale studente medicine iz BiH na Generalnoj Skupštini bio je i naš sugrađanin Malik Galijašević. Općinski načelnik je po povratku delegacije upriličio prijem studenta Malika Galijaševića, kako bi se upoznao sa aktivnostima održane Skupštine, kao i novim aktivnostima Udruženja.

Pored navedenog, a nakon postavljenog vijećničkog pitanja, tražili smo dodatne informacije od Udruženja i navedenog studenta. Nismo upoznati da je Generalna skupština razmatrala političku situaciju u BiH, ili podršku nekom od političkih subjekata, niti se MEDSA uopće bavi time. Općinski načelnik smatra da je podrška Udruženju opravdana, naročito što je BH asocijacija studenata medicine potpisala ugovore o razmjeni studenata sa oko 50 zemalja što će doprinijeti stručnom usavršavanju budućih ljekara u Bosni i Hercegovini, i općini Tešanj.


Ne možemo potvrditi političko djelovanje navedeno u vijećničkom pitanju. Formulaciju v. pitanja sa iznošenjem ili nametanjem tvrdnje ili zaključka (dati zaključak u v. pitanju prije nego se čuje odgovor) nije dobra praksa, te mislimo da bi u narednom periodu to trebalo izbjegavati.

Dostavljeno:

- 1. Naslov
- 2. Arhiva



OPĆINSKI NAČELNIK
mr. sci. Suad Huskić, profesor



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-05-6-2370/13

Datum: 09.09.2013. godine

**OPĆINSKO VIJEĆE
O V D J E**

Predmet: Odgovor na vijećničko pitanje, d o s t a v l j a s e, -

Na 10. sjednici Općinskog vijeća Tešanj održanoj 29.08.2013. godine vijećnica Alić Munevera postavila je slijedeće vijećničko pitanje:

“Šta je Načelnik općine poduzeo protiv odgovornih ljudi, upravnog-nadzornog odbora JP Toplana u vezi donesene presude kojom je nanesena šteta Budžetu, te da se dostavi ko su tad bili članovi i direktor (šta se protiv njih poduzelo)?”

ODGOVOR

Proceduru smjene tadašnjeg direktora JP “Toplana” dd Tešanj, gosp. Sejde Plančića i izbora i imenovanja gosp. Asima Bašalića na mjesto direktora vodio je Nadzorni odbor u sastavu:

1. Hasib Alić, predsjednik,
2. Damir Hasaničević, član i
3. Azra Jašić, član,

koji je primopredaju dužnosti novom Nadzornom odboru izvršio 14.12.2012. godine. Vršilac dužnosti direktora JP “Toplana” dd Tešanj u to vrijeme bila je gosp. Čefa Hadžiahmetović, uposlenik preduzeća.


Donošenjem predmetne presude nije nastala šteta direktno za Budžet Općine Tešanj. JP “Toplana” dd Tešanj pokrenulo je postupak revizije protiv presude Kantonalnog suda u Zenici broj : 39 0 Rs 019321 13 Rsž 2 od 24.06.2013. godine. Osim toga JP “Toplana” dana 13.01.2012. godine protiv Sejde Plančića podnijelo je krivičnu prijavu zbog osnovane sumnje da je počinio krivično djelo nesavjesnog privrednog poslovanja. Provjerom u Kantonalnom tužilaštvu ustanovili smo da je predmet krivične prijave na obradi u Tužilaštvu pod brojem KTPO 7790.

Imajući, dakle, u vidu da je u toku revizija presude o smjeni prethodnog, odnosno izboru novog direktora, da je u toku više pravosudnih postupaka, rano je donositi konačne zaključke o odgovornostima pojedinaca ili tijela u JP “Toplana”. Općinsko vijeće će o svemu biti informisano kroz godišnji izvještaj o radu JP Toplana, a Općinski načelnik će u okviru svojih nadležnosti pratiti rad preduzeća i poduzimati potrebne mjere.

OBRADIVAČ


Služba za finansije, privredu i inspekcije

Hamzaliya Nojkurić, dipl.ecc.



OPĆINSKI NAČELNIK

Mr. Sc. Suad Huskić, profesor



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 01-05-6-2316-3/13
Datum: 10.09.2013. godine

OPĆINSKO VIJEĆE TEŠANJ

Predmet: Odgovor na vijećničko pitanje, dostavlja se.-

Na 10. sjednici Općinskog vijeća Tešanj održanoj 29.08.2013. godine vijećnik Dujsić Amir postavio je vijećničko pitanje:

“Šta se desilo sa planom o izgradnji poslovne zone Dolac-Raduša, i kakvi su dalji planovi Općine Tešanj sa tim područjem?”

Odgovor:


Odlukom o izmjenama i dopunama Odluke o usvajanju i sprovođenju Regulacionog plana "Jugozapad" Tešanj, broj:01-V-155/96 od 09.08.1996.godine, donesenoj na 17. redovnoj sjednici Općinskog vijeća Općine Tešanj održanoj dana 03.08.1996.godine utvrđeno je da se na predmetnom lokalitetu predviđa izgradnja poslovnih objekata.

U skladu sa gore navedenim, a shodno Odluci Općinskog vijeća Općine Tešanj, broj: 01-V-188/96 od 01.11.1996. godine, izvršena je parcelacija i prodaja parcela na kojima su investitori započeli/izgradili objekte vidne na licu mjesta.Kako bi, između ostalih, potaknula i vlasnike dodijeljenih parcela na dalje investiranje Općina je pokrenula reviziju i proširenje obuhvata Regulacionog plana "Jugozapad-Tešanj" ("Službeni glasnik općine Tešanj", broj:6/91) a Općinsko vijeće je na svojoj 21. sjednici održanoj dana 02.09.2002.godine usvojilo Regulacioni plan "Jugozapad – Tešanj" donošenjem Odluke o provođenju Revizije regulacionog plana "Jugozapad – Tešanj, ("Službeni glasnik općine Tešanj", broj:6/02). Prema navedenom planu na predmetnom lokalitetu planirana je izgradnja: stambeno poslovnih objekata, intrazonske saobraćajnice sa trotoarom, vjerskog i sportskog objekta, rekonstrukcija škole, te uređenje dvorišta i zelenih površina.

Iz navedenog se može zaključiti da nema planskih prepreka za početak investiranja na navedenom lokalitetu, ali bi potencijalni investitori trebali riješiti imovinsko-pravne odnose na dijelovima parcela na kojima su planirani objekti obzirom da je površina svih prodatih placeva 30m² dok je veličina planiranih objekata 12,00x15,00m tj. površina 180,00m².

OBRADIVAČ


Služba za katastar, urbanizam i
imovinsko-pravne poslove



Nadir Medarić, dipl. ing. geodezije

PREDLAGAČ:

Općinski načelnik


Mr.sc. Suad Huskić, prof.





**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-05-6-2306/13

Datum: 12.09.2013. godine

OPĆINSKO VIJEĆE

Predmet: Odgovor na vijećničko pitanje, dostavlja se.-

Na 10. sjednici Općinskog vijeća Tešanj održanoj 29.08.2013. godine vijećnik Dujsić Amir postavio je vijećničko pitanje:

"Da li je formiran Zdravstveni savjet Općine Tešanj, ko su izabrani članovi i na osnovu kojih kriterija su izabrani?"

Odgovor:


Zdravstveni savjet Općine Tešanj je imenovan nakon provođenja postupka od strane Komisije za provođenje procedure za izbor članova Zdravstvenog savjeta Općine Tešanj, Rješenjem Općinskog načelnika broj: 02-03-37-7-14-12/13 koje se primjenjuje od 01.08.2013. godine i objavljeno je u "Službenom glasniku Općine Tešanj" broj 7/13 od 09.09.2013. godine.

Članovi Zdravstvenog savjeta su: Muslija Azra, predstavnik općine; Bećirović Husein, predstavnik pacijenata; Ajanović Sulejman, predstavnik sindikata zdravstvenih ustanova; Hundur Samir, predstavnik JZU Dom zdravlja Tešanj; Brkić Emin, predstavnik JZU Opća bolnica Tešanj; Kerić Omer, predstavnik JZU Apoteka Tešanj; Binakaj Damir, predstavnik privatne poliklinike Medikus; Vehab Erna, predstavnik privatne apoteke Medifarm; Donlagić Emira, predstavnik Crvenog Križa Tešanj.


Članovi Zdravstvenog savjeta su izabrani na osnovu kriterija određenih Javnim pozivom za prikupljanje prijava za imenovanje Zdravstvenog savjeta Općine Tešanj koji je raspisan u skladu sa članom 66. Zakona o pravima, obavezama i odgovornostima pacijenata („Službene novine Federacije Bosne i Hercegovine“, broj: 40/10), članom 14. Zakona o zdravstvenoj zaštiti („Službene novine Federacije Bosne i Hercegovine“, broj: 46/10) članom 4. Odluke Općinskog vijeća o osnivanju Zdravstvenog savjeta na nivou općine Tešanj broj: 01-02-1-866-2/12 od 09.04.2012.godine.

Dostavljeno:

1. Naslov
2. Arhiva



OPĆINSKI NAČELNIK
mr. sci. Suad Huskić, profesor



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:01-05-6-2310-3/13
Datum:23.09.2013.godine

OPĆINSKO VIJEĆE TEŠANJ

PREDMET:Odgovor na vijećničko pitanje, dostavlja se.-


Na 10. sjednici Općinskog vijeća Tešanj održanoj 29.08.2013. godine vijećnik Dujsić Amir postavio je sljedeće vijećničko pitanje:


Zašto su u parku preko puta Općine Tešanj, obustavljeni radovi na izgradnji fontane i uređenju parka u sklopu Regulacionog plana Tešanj-Centar?

Na postavljeno vijećničko pitanje daje se sljedeći odgovor:

Općinsko vijeće je usvojilo Urbanistički projekat Tešanj-Centar i kao takav tretira i park gdje je planirana izgradnja između ostalog i fontane. Pokrenuli smo izradu Izvedbenog projekta vanjskog uređenja ispred hotela i Centra za kulturu i obrazovanje se nadamo da ćemo u sklopu vanjskog uređenja lijeve obale rijeke Tešanjke završiti i uređenje parka čime bi zaokružili jednu značajnu cjelinu. Očekujemo verifikaciju glavnog projekta u narednih 30 dana.


OBRADIVAČ
Služba za društvene djelatnosti,
komunalne poslove i ekologiju


Azra Muslija, dipl. pravnik



PREDLAGAČ
OPĆINSKI NAČELNIK


Mr. Sc. Suad Huskić, profesor



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:01-05-6-2307-1/13
Datum:09.09.2013.godine

OPĆINSKO VIJEĆE TEŠANJ

PREDMET:Odgovor na vijećničko pitanje, dostavlja se.-

Na 10. sjednici Općinskog vijeća Tešanj održanoj 29.08.2013. godine vijećnik Adnan Lihic postavio je sljedeće vijećničko pitanje:

Da li nadležna služba ili JP "Rad" Tešanj planiraju čišćenje dvije brane u dijelu rijeke kroz Kotlanice zbog nadolazećeg perioda (kišovitog) koji može izazvati plavljenje područja oko brane?

Na postavljeno vijećničko pitanje daje se sljedeći odgovor:


Planom rada službe, planirano je čišćenje brana u dijelu rijeke kroz Kotlanice u vrijeme smanjenog vodostaja rijeke što je i urađeno.

OBRADIVAČ
Služba za društvene djelatnosti,
komunalne poslove i ekologiju


Azra Mustija, dipl. pravnik

PREDLAGAČ
OPĆINSKI NAČELNIK


Mr. sc. Suad Huskić, profesor



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-05-6-2308-4/13
Datum: 19.09.2013. godine

OPĆINSKO VIJEĆE

Predmet: Odgovor na vijećničko pitanje, dostavlja se.-

Poštovani,

Na 10. sjednici Općinskog vijeća Tešanj koja je održana 29.08.2013. godine vijećnik Vedran Kaser postavio je sljedeće vijećničko pitanje:

“Na koji način političke stranke mogu aplicirati na zajedničke projekte sa JU Muzej Tešanj?”


Odgovor:

Saradnja sa Javnim ustanovama je moguća na direktan ili indirektan način, ali iz vijećničkog pitanja nije jasno kakvi projekti se žele pokrenuti, osim da političke stranke žele aplicirati.


Misija javnih ustanova je djelovanje na području cijele općine ali i šire, a bilo koje djelovanje sa ciljem političkog uticaja ili predznaka političkih stranaka nije opravdano. Pored toga, misija političkih subjekata nije realizacija projekata sa javnim ustanovama, naročito na ovakav način kako je u vijećničkom pitanju naglašeno. Svaka politička stranka može putem Općinskog vijeća inicirati pokretanje projekata ili ideja, što će se kroz općinske službe razmotriti i delegirati javnim ustanovama.

Dostavljeno:

1. Naslov
2. Arhiva



OPĆINSKI NAČELNIK
mr. sc. Šuad Huskić, profesor



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK

Broj:01-05-6-2318-3/13
Datum:10.09.2013.godine

OPĆINSKO VIJEĆE
- Dostavlja se -

PREDMET: Odgovor na vijećničko pitanje, dostavlja se

VEZA: Odgovor na vijećničko pitanje sa 10. Sjednice općinskog Vijeća, traži se

Na 10. sjednici Općinskog vijeća Tešanj održanoj dana 29.08.2013.godine vijećnik Halilović Muhamed je postavio sljedeće vijećničko pitanje:

„Zašto još nije proradio ured u Šijama“.

Općina Tešanj ušla je u realizaciju projekta matičnog ureda u Šijama, stvorene su tehničke pretpostavke, naime pripremljen je prostor i računarska oprema. Isti nije još u funkciji iz razloga što u MU u Tešnju od tri matičara jedan matičar je nešto duže bio na bolovanju što je uz ostale razloge (novi Zakon o matičnim knjigama uz set podzakonskih akata koji su MU donijeli više posla i komplikovanije procedure kod upisa, veliki broj provjera CIPS-a, uvođenje novog programa za matične knjige kao u uvođenje elektronske obrade podataka u MU što do sada nije bila praksa) dovelo je do toga da do danas sa radom nije počeo ured u Šijama.


Ured u Šijama počeo će sa radom 15.10.2013.godine.

OBRADIVAČ:
Služba za boračko invalidsku zaštitu i opće poslove

OPĆINSKI NAČELNIK




Merimka Handžić, dipl.prav.



OPĆINSKI NAČELNIK

Mr.sc.Huskić Suad, profesor



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:01-05-6-2301-3/13
Datum:09.09.2013.godine

OPĆINSKO VIJEĆE TEŠANJ

PREDMET:Odgovor na vijećničko pitanje, dostavlja se.-

Na 10. sjednici Općinskog vijeća Tešanj održanoj 29.08.2013. godine vijećnik Halilović Fadil postavio je sljedeće vijećničko pitanje:

Uklanjanje štetne biljke ambrozije na području Općine Tešanj?

Na postavljeno vijećničko pitanje daje se slijedeći odgovor:

Općina Tešanj nije svojim normativnim aktima donijela mjere za sprečavanje širenja i uništavanja korovske biljne vrste-Ambrosia Artemisiifolia L (Ambrozija), već postupa po Odluci Vlade Federacije Bosne i Hercegovine, koja je na svojoj 109.sjednici održanoj 16.jula 2009.godine, donijela je Odluku o mjerama za sprečavanje širenja i uništavanja korovske biljne vrste-Ambrosia Artemisiifolia L (Ambrozija).

Ovom Odlukom su propisane mjere za sprečavanje širenja suzbijanja i uništavanja korovske biljne vrste Ambrosia artemisiifolia L.(u daljem tekstu:ambrozija), utvrđena lica su dužna da provode mjere i određuju nadzor nad provođenjem.

Suzbijanje i uništavanje ambrozije vrši se na površinama : poljoprivrednog, šumskog, građevinskog i vodnog zemljišta.

Mjere za sprečavanje i uništavanje ambrozije provode:


1. vlasnici i korisnici poljoprivrednog zemljišta-obrađenog i neobrađenog (njive, voćnaci, vinogradi, vrtovi, bašte, livade i drugo) i zapuštenih površina poljoprivrednog zemljišta,
2. vlasnici korisnici šumskog zemljišta (šume i lovišta),
3. vlasnici i korisnici građevinskog zemljišta-izgrađenog i neizgrađenog,
4. subjekti koji upravljaju vodotokovima i kanalima i površinama uz vodotoke i kanale,
5. subjekti koji održavaju površine uz javne puteve, ceste i željezničke pruge,
6. subjekti koji upravljaju nacionalnim parkovima, parkovima, grobljima i drugim zelenim površinama,
7. vlasnici i korisnici zapuštenih površina zemljišnih površina pored puteva,staza,kao i utrina, degradiranih pašnjaka, zapuštenih parkova, iskrčenih mjesta u šumama i drugo.

Mjere koje su propisane ovom Odlukom a koje se odnose na nadležnost Općine Tešanj se provode kroz Program komunalne higijene na redovnom košenju, redovne aktivnosti na održavanju puteva, sjetvom kvalitetne trave i ustanovljavanjem cvjetnjaka.

OBRADIVAČ
Služba za društvene djelatnosti,
komunalne poslove i ekologiju


Azra Muslija, dipl. pravnik

PREDLAGAČ
OPĆINSKI NAČELNIK


Mr. sci. Suad Huskić, profesor



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-05-6-2303-2/13

Datum: 09.09.2013. godine

OPĆINSKO VIJEĆE

Predmet: Odgovor na vijećničko pitanje, dostavlja se.-

Na 10. sjednici Općinskog vijeća Tešanj održanoj 29.08.2013. godine vijećnik Halilović Fadil postavio je sljedeće vijećničko pitanje:

Uređenje parking prostora u ulici "Patriotske lige" bb, općina Tešanj?

Navedena parcela označena kao k.č. 536/1 KO Tešanj u neposrednoj blizini zgrade MUP-a Tešanj shodno Urbanističkom Planu grada Tešnja nalazi se u sklopu kolektivnog stanovanja naselja "Simetrale".


Trenutno se koristi kao parking prostor za uposlene MUP-a do privođenja zemljišta krajnjoj namjeni. Kako su u toku aktivnosti oko izrade projekta za rekonstrukciju raskrsnice Regionalne ceste-R-474- Novi Šeher-Prnjavor između zgrade MUP-a i postojeće benzinske stanice "INA" u ulici "Braće Pobrić", navedena parcela će biti predmetom razmatranja tek nakon završetka ovog projekta.

Dostavljeno:

1. Naslov
2. Arhiva


OPĆINSKI NAČELNIK

Mr. sci. Suad Huskić, profesor

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj:02-05-6-2299-5/13

Datum:09.09.2013.g.

OPĆINSKO VIJEĆE

PREDMET: Odgovor na vijećničko pitanje-dostavlja se

VEZA: Vaš akt, broj:01-05-6-2299-2/13 od 30.08.2013.godine

Na 10.sjednici Općinskog vijeća Tešanj održanoj 29.08.2013.g. Vijećnik Boban Kršić postavio je pitanje:Ko je upisan i na osnovu čega kao posjednik nekretnine, točnije zemljišta na kojem se nalazi parking između stambeno-poslovnog objekta Musala, zgrade biblioteke, sportske dvorane prema spomen obilježju Musala?

Imajući u vidu naprijed navedeno, ovim putem dostavljamo Vam sljedeći odgovor:

Zemljište navedeno u vijećničkom pitanju označeno je kao k.p.broj:348/7 površine 581 m2 upisano je u posjed Općine Tešanj sa dijelom 1/1.

Od 1981.g. odnosno od godine uspostave katastra zemljišta, parcela označena kao k.p.broj:348 u katastarskom operatu bila je upisana na tadašnjem SIZ-u, koja je 1998.g. upisana u korist Općine Tešanj, ukidanjem SIZ-ova i pripajanjem njihove imovine općini.


OBRAĐIVAČ:
POMOĆNIK OPĆINSKOG NAČELNIKA
Služba za katastar, urbanizam i
imovinsko-pravne poslove


Način, Medarić, dipl.ing.geodezije



PREDLAGAČ:
OPĆINSKI NAČELNIK:
OPĆINE TEŠANJ

mr.sc.Suad Huskić, profesor





BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK

Broj: 02-05-6-2297-3/13

Datum: 02.09.2013. godine

OPĆINSKO VIJEĆE TEŠANJ

Predmet: Odgovor na vijećničko pitanje, d o s t a v l j a s e.-

Na 10. sjednici Općinskog vijeća Tešanj održanoj 29.08.2013. godine vijećnik Starčević Miralem je postavio sljedeće vijećničko pitanje:


“ U kakvom su stanju hidranti na području općine Tešanj, koje održava JKP RAD Tešanj i da li broj hidranata odgovara propisanim standardima ?”

ODGOVOR:

Prema članu 49. Zakona o zaštiti od požara i vatrogastvu (Službene novine Federacije BiH br:64/09), članu 43. Zakona o zaštiti od požara i vatrogastvu (Službene novine ZE-DO kantona br: 05/11) i prema Pravilniku o tehničkim normativima za vanjsku i unutrašnju hidrantsku mrežu za gašenje požara (Službene novine Federacije BiH br:87/11), „ javno preduzeće ili drugo pravno lice koje upravlja vodovodnom i hidrantskom mrežom, dužno je pri izgradnji, rekonstrukciji i korištenju ovih mreža, osigurati propisni kapacitet i pritisak vode u hidrantskoj odnosno vodovodnoj mreži za potrebe gašenja požara „ tj. „ javna preduzeća i druga pravna lica dužna su stalno održavati u ispravnom stanju hidrantsku mrežu, o čemu vode odgovarajuću evidenciju i o tome izvještavaju nadležnu profesionalnu vatrogasnu jedinicu“, što je u konkretnom slučaju za javni vodovod nadležnost JKP „RAD“ DD Tešanj , takođe navedenim Pravilnikom, članom 41. definisano je da: “ Tehnička ispravnost svih vrsta hidrantske mreže mora se permanentno provjeravati u periodu od svakih 6 mjeseci ” .

Pregled hidrantske mreže kojom gazduje JKP „RAD“ DD Tešanj za područje općine Tešanj,

| BR. P. VIJEĆNIČKOG PITANJA | OPĆINA | OPĆINSKI NAČELNIK | OPĆINSKI VIJEĆNIK | OPĆINSKI NAČELNIK | OPĆINSKI VIJEĆNIK | OPĆINSKI NAČELNIK |
|----------------------------|----------------|-------------------|-------------------|-------------------|-------------------|-------------------|
| 1 | Tešanj | 17 | 5 | 22 | Podzemni | |
| 2 | Jelah | 11 | 8 | 19 | Podzemni | |
| 3 | Vukovo | 3 | 2 | 5 | Podzemni | |
| 4 | Čifluk | 1 | 2 | 3 | Podzemni | |
| 5 | Potočani | 2 | 0 | 2 | Podzemni | |
| 6 | Cerovac | 0 | 1 | 1 | Podzemni | |
| 7 | UKUPNO: | 34 | 18 | 52 | | |



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:02-05-6-2293-3/13
Datum:04.09.2013.

OPĆINSKO VIJEĆE TEŠANJ

Predmet: Mišljenje o Inicijativi vijećnika Unkić Mirze

Na 10. sjednici Općinskog vijeća Tešanj, održanoj dana 29.08.2013. godine vijećnik Emir Mirza je dostavio sljedeću vijećničku inicijativu:

"Da se iz budžetske rezerve odvoje sredstva za sanaciju/asfaltiranje puta u Mrkotiću – lokacija kod džamije."


Mišljenje o Inicijativi:

U skladu sa Zakonom o budžetima u Federaciji BiH sredstva operativne budžetske rezerve se troše za hitne i nepredviđene izdatke i rashode u skladu sa utvrđenim kriterijima. Shodno tome definisani su kriteriji za raspodjelu sredstava tekuće rezerve budžeta Općine. Jedan od kriterija jeste i taj "da se dodatni rashodi nisu mogli predvidjeti tokom pripreme, planiranja i izrade budžeta ili nisu mogli biti odobreni".

Budući da su oba klizišta kod džamije u Mrkotiću prisutna više godina, zbog čega se rashod mogao planirati u budžetu ili kroz listu kapitalnih projekata za prošle i tekuću godinu, ovaj uslov nije ispunjen.

Dostavljeno:

1. Naslovu,
2. Arhiva.



OPĆINSKI NAČELNIK

Mr.Sc. Suad Huskić, profesor